

մի ուրիշ քուրդ սորա կը խափէ թէ իւր աղջիկն իրեն պիտի տայ, ուլինքը ձեռքէն կառնէ, աղջիկն ևս չտար: Հովիւը կը տեսնէ քրդի հարստութիւնը, որ ուլինքի պատճառով էր, կը խեղագարի:

Կանի-սպին հայերով շէն տեսնողներ եղած են: Սորա $\frac{1}{4}$ ժամ արևելեան հիւսիս ևս կայ Ղարա-հիւսէնի աւերակն:

Խ Ո Շ Ե Ա Ն

Մօլլա-սիւլէյման գիւղի հարաւը $\frac{1}{2}$ — $\frac{5}{4}$ և մի ժամ հեռաւորութեան վերայ կան երեք գիւղօրայք, որք մի գծի վերայ իրարու յարեւըս կընկնին, որոց քաւշաններն դաշապին վայր գտնուած են և սոքա են Խոշեան, Մսուրի և Շամեան, որք Զեական և Խոփուզ ջրոց միջավայրն կընկնին և Մօլլա-սիւլէյմանայ շուրջն:

Զեական գիւղի $1 \frac{1}{4}$ ժամ արևելեան հարաւն արքունական խճուղւոյն աջ կողմը մի հայ և քրդաբնակ գիւղ է Խոշեան՝ 25 անէ բաղկացեալ:

Գիւղէս $\frac{1}{2}$ ժամ ի հիւսիս Մօլլա-սիւլէյման, $1 \frac{1}{2}$ ժամ ի հարաւ Խասաուր հայաբնակ գիւղերն են և $\frac{1}{4}$ ժամ յարեւելս՝ Մսուրցիք, գիւքն գեղեցիք, դաշտիս ամեն կողմն տեսարան ունի:

Գիւղիս հիւսիսէն կանցնի Կռաւի ջուր մի, որ Սուկաւէտի կողերէն կիջնայ, Մօլլա-սիւլէյմանայ արևմտեան եզրէն անցնելով կը միանայ Խոշեանայ ջրաղացքի ջրին, որ Զեականայ ջրէն բաժանուած է, կը հոսի ի հարաւ արևելս:

Զեականայ գետակն ևս գիւղիս հարաւէն կանցնի, ի հարաւ արևելս կը հոսի: